



Kópavogslagið

Lag: Þóra Marteinsdóttir
Texti: Steinunn Anna Sigurjónsdóttir

Þar sem grasið græna breiðir
sína slæðu yfir fold;
Þar sem rætur spinna þræði
og hjarta tengist mold.
Þar sem bærinn skartar fögrum
hópi drengja' og fljóða,
Hér á ég heima í voginum góða.



Þegar glaður veifar granni
býður mér að koma inn;
Þegar kossi fylgir kveðja
"velkominn vinur minn";
Þegar kvöldar kemur engill
mér vinarhönd að bjóða,
Þá er ég heima í voginum góða.



Nú er fagrir söngvar óma
og sólin bjarta skín;
Nú er tónar blíðir hljóma
ég hugsa hlýtt til þín,
Nú er ástin vefur andann
inn í fagra sveiflu ljóða.
Hér á ég heima í voginum góða.

